

影印
文淵閣

四庫全書

影印

文淵閣四庫全書

第一四三八冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

御選宋金元明四朝詩（二）
御選宋詩

清

張豫章等奉敕編

……………一

欽定四庫全書

御選宋詩卷三十五

集部

詳校官侍讀學士_臣沈咸熙

主事銜_臣徐以坤覆勘

總校官知縣_臣楊懋珩

校對官修撰_臣吳錫齡

膠錄監生_臣孫廷機

欽定四庫全書

御選宋詩卷三十五

五言律詩一

柳開

捲烟閣

古寺聳山椒公堂去不遙尋僧忘俗慮盤道出塵囂疎
箔捲烟霧明眸望沕寥漁翁江上立指我在雲霄

徐鉉

欽定四庫全書

御選宋詩
卷三十五

送蒯員外東遊舊治

百歲猶强健知君即地仙孤飛下華表太息問桑田故
吏今誰在高名昔共傳伊余亦遺老相送一潸然

送王監丞之歷陽

歎息曾遊處江邊故郡城青襟空皓首往事似前生綠
綬君重綰華替我尚榮年衰俱近道莫話別離情

送高先輩南歸

鄉國悲前事風光屬後生名從天上得身入故都行草

色初裁綬鵬飛不算程自憐枯朽思相送剩含情

舒雅

答劉學士

往歲別京畿樓山與衆違君心似松柏雁足寄珠璣學
道情雖萬燒丹力尚微雲中雞犬在祇候主人歸

寇準

應制賞花釣魚

龍禁含佳氣鑾輿下建章碧波微蕩漾紅萼競芬芳玉

欽定四庫全書

御選宋詩
卷三十五

竿春醪滿金壺晝漏長逢時空竊抃萬寓正惟康

春日登樓懷歸

高樓聊引望杳杳一川平野水無人渡孤舟盡日橫荒
邨生斷靄古寺語流鶯舊業通清渭沉思忽自驚

秋日原上

蕭蕭古原上景物感離腸遠嶠收殘雨寒林帶夕陽溪
聲迷竹韻野色混秋光吟罷還西望平沙起雁行

秦中感懷寄江外知己

念子隔江海皓然時已秋蟬鳴關外樹人在水邊樓髮

白猶搜句時清尚旅遊遙思當永夜不寐向孤舟

水邨即事

虛齋臨遠水吟釣度朝晡葦岸秋聲合莎亭鶴影孤片
雲藏疊嶂野燒起寒蕪獨步時凝望離人隔五湖

暮秋感興

冉冉前期遠窮途一可傷有時聞落葉不語立殘陽塞
草秋先白溪沙晚更光那堪望天末燕雁又成行

欽定四庫全書

御選宋詩
卷三十五

秋訪江上友生所居

苔石半寥落坐來生遠愁故人應罷酌寒葉自驚秋邨
隔平沙暝江和暮靄流徘徊不能去此處有扁舟

湖上作

極目望南浦望中生遠思雁沉芳草渡燒斷夕陽陂歲
月寒萍梗江山念別離淚餘清夜夢暫與白雲期

月夜懷故人

清夜月初滿蘚庭吟更幽梧桐疎影老蟋蟀亂聲秋舊

國情何極空江思欲流故人今底處危坐獨凝愁

雨夜書事

離人聽積雨滴滴動鄉心故國程猶遠重門夜正深氣
昏濛燼燭巢冷語棲禽遙想江南岸餘花委故林

題巴東寺

寺在猿啼外門開古澗涯山深微有徑樹老半無枝望
遠雲長暝談空日易移恐朝金馬去還失白蓮期

楚江感懷

欽定四庫全書

御選宋詩
卷三十五

四

西風生遠水蕭颯度吟臺明月夜還滿故人秋未來寒
蛩啼暗壁敗葉下蒼苔誰念空江外年年首重回

夜泊江上

歲暮峽中邨維舟古樹根羣峰初落月後夜獨聞猿流
水自無盡客愁那可論平明離楚岸迢遞指吳門

南亭

初夜南亭望清吟露濕衣雨餘羣籟發天淡數星稀秋
氣又還至故園猶未歸虛堂愁重入燭白冷光微

荆南秋望

西風吹戶牖獨自客荆蠻積水浮秋漢微陽淡遠山蟬
稀疎葉盡雨歇片雲閒何日忘替紱深居石室間

再歸秦川

阮路何方盡西歸興未勞河流經陝狹山色入秦高返
照明秋壘孤邨接暮濤還如丁令至故里滿蓬蒿

東歸再經峽中

復命經三峽波瀾極目愁片雲生斷壁孤石礙中流道

欽定四庫全書

御選宋詩
卷三十五

五

路連巴塞風煙接楚丘重來登望處因念昔年遊

李維

霜月

銀牀葉暗飄霜月夜迢迢寒極屏難辟憂多酒漫消荀
爐殘更換湘瑟罷仍調誰道河流淺盈盈萬里遙

張詠

縣齋秋夕

才薄難勝任空銷懶情情公堂羣吏散苔地亂蛩聲隔

歲鄉書絕新寒酒病生方今聖明代不敢話辭榮

寄傅逸人

鷗鷺憐疎野朝昏繞戶飛有誰知此意獨立對斜暉落
葉堆荒徑澄泉照白衣聖君方急善應好下漁磯

郡齋書情寄仙遊張及

老去慵仍甚榮名舊日疎又因經歲病不答故人書閉
閣僧歸後看山吏散初何因論心跡之子最相於

訪人不遇

欽定四庫全書

柳選宋詩

卷三十五

六

舊逕莓苔合兒童獨閉門踏霜歸遠店涼月照空樽雁
響蕪葭浦風驚橘柚邨知音在何處凝寂欲銷魂

鄭文寶

送枝江秦長官罷秩

衆論才名外親人似古人官嫌容易達家愛等閒貧解
印詩權在移風澤國春政聲交不得慙見數鄉民

送曹緯劉鼎二秀才

旦夕春風老離心共黯然小舟聞笛夜微雨養花天手

筆人皆有曹劉世所賢柳侯重才子從此看鶯遷

王禹偁

書懷

釋褐來成武初官且自強位卑松在澗俸薄葉經霜雨
菌生書案飢禽啄印牀猶驚寫秋卷槐砌落花黃

寄寧陵陳長官

吏隱寧陵縣琴堂枕古河家山隔江遠風雨過船多假
日親尋藥公庭自種莎相逢如舊識執手動勞歌

欽定四庫全書

柳選宋詩

卷三十五

七

中秋月

何處見清輝登樓正午時莫辭終夕看動是隔年期冷
濕流螢草光凝睡鶴枝不禁雞唱曉輕別下天涯

硤石縣旅舍

霜乾紅葉飛遷客思淒淒處險人垂瘵登山馬跼蹄籬
荒蜚韻苦雲凍雁行低此夕應無寐何煩報曉雞

歲暮感懷貽馮同年中允

謫宦商於郡閒門車馬稀塵侵書命筆香散入朝衣燒

盡峰巒出霜晴木葉飛夜來天欲雪寒夢不成歸

五更睡

數載直承明寵深還若驚趁朝雖喚起殘夢馬馱行左
宦離雙闕高眠盡五更如將閒比貴此味敵公卿

秋居幽興

秋光雖寂淡幽興入詩家籬暗螢啼菊園荒蟻上茄園
棊知日影理髮見霜華向曉兒童喜溪僧貽晚瓜

寧公新拜首座因贈

欽定四庫全書

御選宋詩
卷三十五

著書新奏御上詔承旨蘇公道士韓德純與公集三
教聖賢事迹各五十卷故有首座之命優

詔及禪扉首座名雖貴家山老未歸磬聲寒遠枕塔影
靜侵衣終憶西湖上秋風白鳥飛

送閤門秦舍人

郡印我未解輕軒君不留相逢那幾日此別又經秋山
雪晴猶在河漸暖不收內廷連上閣早晚共優游

寒食

寒食江都郡青旗賣楚醪樓臺藏綠柳離落露紅桃妓

女穿輕屐笙歌泛小舫使君慵不出愁坐讀離騷

青猿

小僕如猿狖貧家備指呼未堪隨馬足已慣典魚須時
洗塵侵硯閒收雨滴圖歸田如有計留貧酒胡盧

羅處約

題太湖

三萬六千頃湖侵海內田逢山方得地見月始知天南
國吞將盡東溟勢欲連何當灑為雨無處不豐年

欽定四庫全書

御選宋詩
卷三十五

曾致堯

東林寺

江南楊柳春日暖地無塵渡口驚新雨夜來生白蘋晴
沙鳴乳雁芳草醉遊人向晚前山路誰家賽水神

趙湘

答徐本

天遠草離離秋霖寄信遲相思逢葉盡獨坐聽蟬悲岳
色寒前見松心雪後知頻招猶未至時復檢清辭

秋夜集李式西齋

澤國秋光澹詩家夜會清雨餘逢月色風靜得琴聲小
徑幽蟲絕寒階落葉并嘗茶不擬睡自起繞池行

贈水墨巒山人

講餘題小筆深院竹脩脩試墨應磨歲思山忽寫秋靜
曾窮鶴趣高亦近詩流更擬緣清思和雲狀沃洲

王操

喜故人至

欽定四庫全書

仰選宋詩
卷三十五

十

地僻無賓侶柴門晝始開溪山寒葉落江國故人來話
舊驚雙鬢論詩滯酒杯相留喜同宿不寐曙光迴

送人南歸

相送當搖落孤舟泛渺瀰去帆看已遠臨水立多時別
浦寒鴻下空山夜鶴移他年重會面冷鬢共成絲

邨家

野景邨家好柴籬夾樹身牧童眠向日山犬吠隨人地
僻鄉音別年豐酒味醇風光吟有興桑麥暖逢春

并州道中

從軍無住計近臘塞門行風劈面疑裂凍粘髭有聲太
陽過午暗暮雪照人明馬上聞吹角依依認漢城

楊億

禁中庭樹

直幹依金闥繁陰覆綺楹繁珠晨露重嚙管夜蟬清霜
桂丹丘路星榆北斗城歲寒徒自許蜀柳笑孤貞

霜月

欽定四庫全書

仰選宋詩
卷三十五

十一

月夕露為霜心知厭獨房吟殘猶擁鼻望極自迴腸
鬢減前秋綠衣銷外國香星津誰待報織素未成章

偶懷

銀燭飛晴霰蘭英湛凍醪年光侵葆髮春恨寄雲袍燕
重銜泥遠鴻驚避弋高平生林壑志誤佩呂虔刀

直夜

月魄生宵暈風烏送晚涼飛蠅隨鏤管浮蟻溢清觴負
郭春耕廢鈞天曉夢長玉籤聲未斷落宿半宮牆

秋夕池上

蓮塘帶弋林清吹滌煩襟泉咽猶鳴玉臺傾舊築金僵
桃蟲自蠹怪石蘚交侵此夜悲秋客烟蛩亦伴吟

劉筠

直夜

瓊藥滋晨飲青絳擁夜余萬年宮省樹五色帝家禽詔
草裁藤角薰爐燼水沉浴室還獨對鳴佩有清音

霜月

欽定四庫全書

御選宋詩
卷三十五

十三

霜曉月仍殘桐疎鳳更單已傷春寂寂還踏夜漫漫凍
合仙槎路薰餘侍史蘭那知荀奉倩體薄不勝寒

錢惟演

禁中庭樹

紫閣分陰地丹條擢秀時高枝接溫樹密葉覆辛夷夜
影瑤光接晨英玉露滋乘春好封殖為賦角弓詩

槿花

綺霞初結處珠露未晞時寶樹寧三尺華燈更九枝亭

亭方自喜黯黯却成悲欲作非煙散猶憐返照遲

夕陽

遠色連高樹迴光射迴樓自翻歸雁影更急思蟲愁煙
暝長先隔霞烘久未收華燈知可繼惟照洞房幽

秋夕池上

珪月上金塘烟容帶水光朱華接蘭坂綠荇溢魚防叢
暗禽棲密松疎露下涼秋懷已潘髻無奈更啼螢

錢惟濟

欽定四庫全書

御選宋詩
卷三十五

十三

夜讌

清讌夜何其南亭露欲晞踟躕露袖舉澌澌羽觴飛鏤
渠搖花藻金鐙照月輝瑤光未西落休賦醉言歸

燕肅

僻居

茅齋塵市遠草徑接魚邨白日偶無客青山長對門藥
爐留火煖花塢帶煙昏靜坐搜新句冥心傍酒尊

郎簡

訪徐冲晦

湖上訪高士徑深行綠苔應聞山犬吠知是野人來岸
噴出相接柴門自為開林間清話久薄暮傍舟回

石延年

瀑布

飛勢挂岳頂無時向此傾玉虹垂地色銀漢落天聲萬
丈寒雲濕千巖暑氣清滄浪不足羨就此濯塵纓

詠燈

欽定四庫全書

御選宋詩
卷三十五

十四

迴鱗拖絳帶倒鳳吐丹榮水定寒生暈風疎動有聲爐
垂金藕細影透玉河清斗帳依東壁誰人夢不成

穆脩

和毛秀才江墅幽居好十首

錄一首

江墅幽居好溪山數里長徑通茶塢綠門枕橘園香藉
石還勝榻聽松不讓簟閒遊驚里巷自作隱淪裝

潘閔

落葉

片片落復落園林漸向空幾番經夜雨一半是秋風靜
擁莎階下閒堆蘇徑中谷松與巖檜寧與此時同

秋日題瑯琊山寺

巖下多幽景且無塵事喧鐘聲晴徹郭山色曉當門深
洞藏泉脉懸崖露樹根更期來此宿絕頂聽寒猿

种放

酬陳齊民見寄

竹扉常晝掩幽僻置身安自委漁樵分因思出處難周

欽定四庫全書

御選宋詩
卷三十五

十五

庭方設燎漢將尚封壇莫問烟霞意人寰事萬端

魏野

秋日懷王粲

菊花原上立邨落雨晴初曉吹清羣物秋光澹太虛空
看新雁字不得故人書猶賴華亭鶴林間伴索居

閒居書事

無才動聖君養拙住山邨臨事知閒貴澄心覺道尊成
家書滿屋添口鶴生孫仍喜多時雨經春免灌園

題崇勝院河亭

陝郡衙中寺亭臨翠靄間數聲離岸櫓幾點別州山野
客猶思住江鷗亦忘還隔牆歌舞地喧靜不相關

送任乘南歸

歸觀江山遠如何叙別離數杯邨店酒一首野人詩趣
渡憐舟穩貪程恨馬羸遙思到家日已過落花時

暮秋閒望

水閣閒登望郊原欲刈禾壞簷巢燕少積雨病蟬多砧

欽定四庫全書

柳邨宋詩
卷三十五

十六

隔寒溪擣鐘隨晚吹過扁舟何日去江上負烟蓑

送蕭咨下第西歸

驢瘦懶加鞭遲遲念獨還聽雞行曉月喚雞過春山渭
入黃河濁雲歸紫閣閒明年公道在莫便掩松關

啄木鳥

亂繞園林啄終朝意若何莫因飢不足翻愛蠹偏多渴
映鄰溪下驚從別樹過辛勤詠還囑無損好枝柯

林逋

湖樓晚望

湖水混空碧憑闌凝睇勞夕寒山翠重秋淨雁行高遠
意極千里浮生輕一毫叢林數未徧杳靄隔魚舫

上湖閒泛艤舟石函因過下湖小墅

平臯望不極雲樹遠依依及向扁舟泊還尋下瀨歸青
山連石球春水入柴扉多謝提壺鳥留人到落暉

西湖舟中值雪

浩蕩彌空闊霏霏接水濱舟移忽自却山近未全凍

欽定四庫全書

柳邨宋詩
卷三十五

十七

軫閒清泛溫鑪擁薄薰悠然詠招隱何許歎離羣

湖邨晚興

滄洲白鳥飛山影落晴暉映竹犬初吠弄船人各歸水
波隨月動林翠帶烟微寺近疎鐘起蕭然還掩扉

湖山小隱三首 錄一首

園井夾蕭森紅芳墮翠陰畫巖松鼠靜春塹竹雞深歲
課非無秣家藏獨有琴顏原遺事在千古壯閒心

小隱自題

竹樹遶吾廬清深趣有餘
鶴閒臨水久峰懶得花疎
酒病妨開卷春陰入荷鋤
嘗憐古圖畫多半寫樵漁

北山寫望

晚來山北景圖畫亦應非
邨路飄黃葉人家濕翠微
樵當雲外見僧向水邊歸
一曲誰橫笛蕪葭白鳥飛

中峰

中峰一徑分盤折上幽雲
夕照前邨見秋濤隔嶺聞
長松舍古翠衰藥動微薰
自愛蘇門嘯懷賢事不羣

欽定四庫全書

御選宋詩

卷三十五

六

小圃春日

岸幘倚微風柴籬春色中
草長團粉蝶林煖墜青蟲
載酒為誰子移花獨乃翁
於陵偕隱事清尚未相同

山中冬日

殘雪照籬落空山無俗喧
雖寒懶下樹人晏獨開門
廢圃春榮動回塘霧氣昏
誰家歲酒熟輟棹憶西邨

留題李頡林亭

無琴枕鶴經盡日卧林亭
啼鳥自相語幽人誰欲聽
半

闌花藉白一徑草盤青
何必對尊酒此中堪獨醒

臺城寺水亭

金井前朝事林僧問不知
綠苔欺破閣白鳥占閒池
清楚曾經晉荒唐直到隋
南廊一聲磬斜照獨凝思

和梅聖俞雪中同虛白上人來訪

湖上翫佳雪相將惟道林
蚤烟邨意遠春漲岸痕深
地僻過三徑人閒試五禽
歸橈有餘興寧復比山陰

和朱仲方送然社師無為還歷陽

欽定四庫全書

御選宋詩

卷三十五

九

歸客過東關行行一錫閒
破林霜後月孤寺水邊山
頂笠衝殘葉腰裝歇暮灣
香燈舊吟社清思逐師還

送史殿省典封州

馬援疏蠻邑銅標何可窮
人烟時亦有海色自如空
髭髮梅分白旌旗瘴減紅
惟應詩藥罷埋照酒醪中

送思齊上人之宣城

林嶺藹春暉程程入翠微
泉聲落坐石花氣上行衣
詩正情懷淡禪高語論稀
蕭閒水西寺駐錫莫忘歸

洞霄宮

大滌山相向華陽路暗通風霜唐碣久草木漢祠空
石苔花碧丹池水氣紅幽人天柱側茅屋灑松風

淮甸城居寄任刺史

擾擾非吾事深居斷俗情石莎無雨瘦秋竹共蟬清
在牖閒拂詩難憶細評寥然獨搢枕淮月上山城

宿洞霄宮

秋山不可畫秋思亦無垠碧澗流紅葉青林點白雲涼

欽定四庫全書

御選宋詩

卷三十五

三

陰一鳥下落日亂蟬分此夜芭蕉雨何人枕上聞

曹汝弼

贈披雲峰岳長老

禪外掩松扃閒眠度歲陰雨侵香篆濕苔長屐痕深水
在銅甌冷雲歸玉磬沈前山有靈藥時策杖藜尋

喜友人過隱居

忽向初春候閒過隱士家旋收松上雪來煮雨前茶禽
換新歌曲梅妝隔歲花應慚非遁者難久在烟霞

魯交

江樓晴望

江干一雨收霽色染新愁遠水碧千里夕陽紅半樓
寒漁浦晚山翠海門秋更待牛津月素宏欲泛舟

遊華山張超谷

太華鎖深谷我來真景分有苗甘是藥無石不生雲
急瀑和烟瀉清猿帶雨聞幽棲未忍別峰半日將曛

大雪

欽定四庫全書

御選宋詩

卷三十五

三

萬象曉一色皓然天地中楚山雲母障漢殿水晶宮
遠近梅花信高低柳絮風吟魂清不徹和月上晴空

唐異

塞上作

防秋人不到萬里絕妖氛馬放降來地鵬閒戰後雲
月依孤壘沒燒逐遠荒分未省為邊客宵笳懶欲聞

閒居書事

幽居經宿雨屐齒徧林塘一境無過客千山自夕陽
晝

禽多獨語夏木有餘涼招隱詩慵寄時清誰肯忘

宋庠

馬上見梅花初發

瞥見江南樹繁英照苑牆無雙春外色第一臘前香雲
葉遙驚目瓊枝昔斷腸莫吹羌笛容易損孤芳

宋祁

長安道中悵然作

三輔古風煙征驂悵未前山園蓬艸外宮室黍離邊樹

欽定四庫全書

御選宋詩
卷三十五

五

老經唐日碑殘刻漢年便須真隕涕不待雍門絃

答勸農李淵宗嘉州江行見寄

嘉月嘉州路軻戔接部船山園杜宇國江入夜郎天霽
引溪流望涼供水閣眠愧君舟楫意遂欲濟長川

春晏宴北園

天意歇餘芳人間日始長落花風觀閣睡鴨雨池塘稍
倦持螯手猶殘藍尾觴春歸無所預羈客自回腸

再遊海雲寺作

十里雲邊寺重驅千騎來天形歌野盡江勢讓山回園
崇濃成幄樓鐘近殷雷斜陽歸缺促飛蓋冒輕埃

渡湘江

一作張公祁

春過瀟湘渡真觀八景圖雲藏岳麓寺江入洞庭湖晴
日花爭發豐年酒易沽長沙十萬戶遊女似京都

城隅晚意

寥寥天意晚稍覺井閤閒水落呈全嶼雲生失半山牛
羊樵路暗燈火客舟還暝思輸鳬鵲歸飛沆瀣間

欽定四庫全書

御選宋詩
卷三十五

五

贈清逸魏閒處士

奕世依巖石褒恩下帝廷姓名高士傳父子少微星池
溜遙通澗家林近帶坳分明詔書意天極賜鴻冥

僑居

公宇靜寥寥居然俗意銷展閒誰記齒帶適自忘腰畝
首秋殘穫城西日暮樵北來行樂慣隨意度溪橋

集江瀆池

五月追涼地滄江刺素漣林煙昏岸日樓影歷池天篠

密工迷徑荷歌巧避船機忘更何事魚鳥亦留連

飛檻枕溪光歡言客偏觴暫雲銷樹影驟雨發荷香辛

白橙薰熟庖刀鱸縷長蘋風如有意盈社借浮涼

將歸

遠假西南守三逢梅柳新哀令宦情薄老惜歲華頻那

釀供銷日已禽巧喚春離家何所恨雁後作歸人

呂夷簡

江南立春日

欽定四庫全書

御選宋詩
卷三十五

五

灰律何時應江春昨夜來細風先動柳殘雪不藏梅餘

冷迷清管微和發凍醅閉門無客到樽俎為誰開

陳堯佐

昭慶寺

湖邊山影裡靜境與僧分一榻坐臨水片心閒對雲樹

寒時落葉鷗散忽成羣莫問紅塵事林間肯暫聞

韓琦

次韻酬子淵學士燈夕不出聞諸公繼有遊賞

繁聲沉夕賴香燭競春葩玉射樓前雪雷驚陌上車月

閒花院掩風軟酒帘斜莫駐城南騎遊人自有家

離都

握節背都門春天景半溫柔鞭難駐馬芳草易銷魂遠

目和煙重離懷助酒昏好花無奈野時復映遙邨

初雨

乍覺塵香動風前細若縑無聲猶似雪得潤已如膏美

利存南畝餘滋付小桃誰知青皞德意不為嬉遨

欽定四庫全書

御選宋詩
卷三十五

五

春晴

霽色破春昏高樓日未曛林梢零舊雨山頂入殘雲醉

粉勻花頰風羅皺水紋踏青人誤約芳思幾紛紛

雪

六花來應臘望雪一開顏歌舞喧侯第風沙雜戍關餘

芳留草樹清興入江山後夜高樓月蕭然崑閬間

郡圃初夏

池館何無賴青春幾日回酒隨花謝減心為水涼開幽